

Broj: 01-01.3-4231-8/16 S.L.

Datum: 13.02.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 16. Pravilnika o javnim nabavkama i preporuke Komisije za javne nabavke konstatirane u Zapisniku o pregledu i ocjeni inicijalnih/konačnih ponuda broj: 01-01.3-4231-7/16 S.L. od 10.02.2017. godine v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o izboru najpovoljnijeg ponuđača u pregovaračkom postupku bez objave obavještenja o nabavci

I

Ugovor o prenamjeni, odnosno preugovaranju dijela neiskorištenog iznosa iz osnovnog ugovora, u vrijednosti od **21.305,70 KM** sa uključenim PDV-om za nabavku usluga: „Dodatne usluge za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“ zaključit će se sa ponuđačem „IPSA INSTITUT“ d.o.o. Sarajevo sa registriranim sjedištem u ulici Put života bb, Sarajevo IJB: 4200032270003, sa kojim je zaključen osnovni ugovor. Ukupna vrijednost osnovnog ugovora se neće prekoračiti

II

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđaču koji je učestvovao u postupku nabavke.

Obrazloženje

Kriterij za dodjelu ugovora je „najniža cijena“.

JP „Autoceste FBiH“ d.o.o. Mostar je provelo pregovarački postupak bez objave obavještenja o nabavci u skladu sa članom 23. stav (b) Zakona sa ponuđačem sa kojim je zaključen osnovni ugovor. Postupak se provodi za nabavku: „Dodatne usluge za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“. Nakon provedenog postupka, pregleda i ocjene ponude, utvrđeno je da ponuda ponuđača: „IPSA INSTITUT“ d.o.o. Sarajevo, zadovoljava zadate kriterije i da je prihvatljiva za ugovorni organ.



1/1

U skladu sa članom 28. Zakona stav (4) ugovorni organ je objavio na svojoj internet stranici www.jpautoceste.ba informacije o pregovaračkom postupku bez objave obavještenja o nabavci koji namjerava provoditi na način da je tendersku dokumentaciju učinio dostupnom za sve zainteresirane kandidate/ponuđače.

Ponuđač je u skladu sa tenderskom dokumentacijom dostavio inicijalnu ponudu. Komisija ugovornog organa je nakon pregleda i ocjene inicijalne ponude izvršila pregovore sa ponuđačem. Poslije provedenih pregovora ponuđač nije bio u mogućnosti ponuditi popust, te se izbor vrši na osnovu dostavljene inicijalne ponude i provedenih pregovora. Nakon pregleda i ocjene inicijalne/konačne ponude Komisija je ocijenila da ponuda zadovoljava zadate kriterije u tenderskoj dokumentaciji, da je prihvatljiva za ugovorni organ i dala preporuku ugovornom organu da se izvrši prenamjena, odnosno preugovaranje dijela neiskorištenog iznosa iz osnovnog ugovora, u vrijednosti od **21.305,70 KM** sa uključenim PDV-om za nabavku usluga: „Dodatne usluge za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršni direktor
za projektovanje i građenje:**

.....
dr. Jasmin Bučo

v.d. direktor:


.....
Adnan Terzić, dipl.ing.

Dostavljeno:

- IPSA INSTITUT d.o.o. Sarajevo
- a/a



AD

Broj: 01-01.3-4231-7/16 S.L.
Datum: 10.02.2017. godine

Sastanci održani 25.01., 02.02. i 10.02. 2017. godine u prostorijama JP "Autoceste FBiH" d.o.o. Mostar

Poziv za dostavljanje ponude i na pregovaranje upućen je firmi „IPSA INSTITUT“ d.o.o. Sarajevo, sa kojim je zaključen ugovor broj: 01-01.3-3192-17/15 S.L od 10.12.2015. godine., ref. JPAC 720-A100-15 i to na način da će se u okviru ugovorenih sredstava utvrditi cijena za stavku koja nije definirana osnovnim ugovorom, a na uštrb sredstava koja nisu utrošena u osnovnom ugovoru, uz poštivanje principa Zakona.

Sastancima prisustvuju sva tri člana komisije imenovana rješenjem broj: 01-01.3-4231-2/17 S.L. od 10.01.2017. godine.

U skladu sa članom 65. Zakona o javnim nabavkama („Službeni glasnik BiH“, broj 39/14), članom 20. Uputstva za pripremu tenderske dokumentacije i ponuda („Službeni glasnik BiH“ broj 90/14) i članom 13. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

ZAPISNIK O PREGLEDU I OCJENI INICIJALNIH/KONAČNIH PONUDA u pregovaračkom postupku bez objave obavještenja o nabavci

- a) **Naziv i sjedište ugovornog organa:** JP "Autoceste FBiH" d.o.o. Mostar;
- b) **Predmet nabavke:** Nabavka usluga: „Dodatne usluge za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“;
- c) **Evidencijski broj nabavke:** 01-01.3-4231/16 S.L. od 07.12.2016. godine;
- d) **Procijenjena vrijednost nabavke:** 20.000,00 KM bez PDV-a;
- e) **Posebni slučajevi i okolnosti iz čl. 21.-24. Zakona koji opravdavaju korištenje ovog postupka:** Postupak se provodi u skladu sa članom 23. tačka b) Zakona u kojoj je navedeno *"u slučaju ugovora o javnoj nabavci usluga za dodatne usluge koje nisu uključene u prvobitno razmatrani projekat ili u prvobitno zaključen ugovor, ali koje usljed nepredviđenih okolnosti postanu neophodne za izvršenje ili izvođenje u njima opisanih usluga i kada se takve dodatne usluge ne mogu, tehnički ili ekonomski, odvojiti od osnovnog ugovora bez većih nepogodnosti ugovorni organ. Takav ugovor može se zaključiti s dobavljačem kojem je dodijeljen osnovni ugovor, a ukupna vrijednost ugovora dodijeljenih za dodatne usluge ne može preći 30% od vrijednosti osnovnog ugovora"*.

Osnovnim ugovorom ref. JPAC 720-A100-15 „Usklađivanje glavnog projekta dionica Buna-Počitelj sa važećim tehničkim specifikacijama“, predviđena je i izrada Idejnog projekta glavne trase Mostar jug – Buna s korekcijom položaja trase na slijedećoj poddionici Mostar sjever-Mostar jug. Za potrebe prezentacije projekta relevantnim institucijama i lokalnoj zajednici, te što jasnije predodžbe kriterija koji su korišteni prilikom odabira projektnog rješenja, potrebno je napraviti Multikriterijalnu analizu/usporedbu trase za dio trase autoceste Mostar sjever-Buna, a koja nije uključena u prvobitno zaključen ugovor, i to za varijantu predloženu u Prostornom planu i varijantu iz Idejnog projekta urađenog u sklopu ugovora ref. JPAC 720-A100-15, te

izraditi inženjerskogeološku dokumentaciju za dio trase od privremene petlje Mostar jug do tačke uklapanja u postojeći Glavni projekt Mostar sjever-Mostar jug, koja sadrži inženjerskogeološku kartu i IG profile. Dodatna dokumentacija je tehnički neodvojiva od osnovnog ugovora, čime su ispunjeni posebni uvjeti za primjenu pregovaračkog postupka bez objave obavještenja.

- f) **Datum početka pregleda i ocjene inicijalnih/konačnih ponuda:** Inicijalnu ponudu Komisija je pregledala 25.01.2017. godine.
- g) **Datum slanja poziva na pregovaranje:** Komisija je pozvala ponuđača na pregovore o ponuđenoj cijeni dana 25.01.2017. godine. Pregovori su zakazani za 02.02.2017. godine u 12:00 sati.
- Ponuđač se uredno odazvao pozivu na pregovore, te su isti izvršeni u prostorijama Ugovornog organa u zakazanom terminu. Nakon provedenih pregovora Ponuđač je ostao pri svojoj početnoj/inicijalnoj ponudi, izrazio da nije u mogućnosti ponuditi popust, te da nema potrebe za dostavljanjem konačne ponude. Odluka o izboru najpovoljnijeg ponuđača će se donijeti na osnovu početne ponude, nakon koje će se zaključiti ugovor;
- h) **Datum slanja poziva na izmjenu i/ili dopunu inicijalne ponude ili na dostavu konačne ponude:** Nije primjenjivo.
- i) **Naziv i sjedište svih ponuđača, prema redosljedu zaprimanja inicijalnih i/ili konačnih ponuda:** U skladu sa Odlukom o pokretanju Pregovaračkog postupka bez objave obavještenja o nabavci broj: 01.01.3-4231/16 S.L. od 07.12.2017. godine upućen je poziv za dostavljanje ponude ponuđaču „IPSA INSTITUT“ d.o.o. Sarajevo, koji je dana 19.01.2017. u 11:45 dostavio inicijalnu/početnu ponudu. U ponudi br. 128/2017 od 18.01.2017. godine, Ponuđač je dostavio ukupnu cijenu za zadate usluge u iznosu: od 18.210,00 KM bez uračunatog PDV-a odnosno 21.305,70 KM sa uračunatim PDV-om.
- j) **Podatci o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- k) **Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

A. Inicijalna ponuda

Ponuđač je uredno dostavio svoju ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da je priložena sva tražena dokumentacija, te da je Ponuđač kompetentan, pouzdan i sposoban za izvršenje ugovora, uzimajući u obzir uvjete tražene tenderskom dokumentacijom:

- da nema smetnje za njihovo učešće u smislu odredbe čl. 45. Zakona

U svrhu ispunjavanja uslova iz odredbi čl. 45. ponuđač treba dostaviti **izjavu ovjerenu kod nadležnog organa** (organ uprave ili notar) da se na njega ne odnose slučajevi definisani (tačkom 4.2.2 od a) do d) tenderske dokumentacije (**član 45. Zakona**). Izjava se dostavlja u formi utvrđenoj **Aneksom 5** tenderske dokumentacije;

Ponuđač kojem bude dodijeljen ugovor obavezan je da dostavi sljedeće dokumente kojima će potvrditi vjerodostojnost date izjave:

- a) Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;

Ako ponudu dostavlja fizičko lice kao preduzetnik, dužan je dostaviti uvjerenje koje glasi na ime vlasnika – preduzetnika;

- b) Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;

Ako ponudu dostavlja fizičko lice kao preduzetnik, dužan je dostaviti samo uvjerenje od nadležnog organa uprave da nije u postupku obustavljanja poslovne djelatnosti;



- c) Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze, a koje se odnose na doprinose za penzijsko-invalidsko i zdravstveno osiguranje;
- d) Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze u vezi sa plaćanjem direktnih i indirektnih poreza.

Dokumenti ili uvjerenja u gore navedenoj tački ne smiju biti starija od 3 mjeseca računajući od trenutka dostavljanja ponude, a dostavlja ih **izabrani ponuđač u roku do 5 dana** od dana prijema Odluke o izboru najpovoljnijeg ponuđača. Dokazi koji se zahtijevaju moraju biti originali ili ovjerene kopije.

Ponuđač je u sklopu ponude dostavio uredno popunjenu i ovjerenu od strane nadležnog organa Izjavu o ispunjenosti uslova iz člana 45. stav (1) tačka a) do d) Zakona – Aneks 5, čime je zadovoljio traženi uvjet;

- l) Naziv i sjedište ponuđača koji se isključuju te obrazloženje razloga njihovog isključenja:**
Nije primjenjivo.

- m) Analitički prikaz traženih i dostavljenih dokaza tehničke i profesionalne sposobnosti ponuđača:**

1. Za tehničku i profesionalnu sposobnost, ponuđač je trebao ispuniti slijedeće minimalne uvjete, a koji se mogu potvrditi sa dokazima iz člana 50. Zakona a to su:

- da ponuđač ima na raspolaganju ključno osoblje: 1 inženjera za multikriterijalnu analizu – dipl.ing ili dipl.ecc sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci i 5 godina profesionalnog iskustva na izradi multi kriterijalnih analiza saobraćajnica

Ocjena tehničke i profesionalne sposobnosti ponuđača će se izvršiti na osnovu jednog ili više dokaza:

- Izjave ovjerene od strane ponuđača da ponuđač ima na raspolaganju 1 (jednog) inženjera za multikriterijalnu analizu, navodeći ime i prezime stručnjaka – dipl.ing ili dipl.ecc sa položenim stručnim ispitom ili ekvivalentnom tehničkom kvalifikacijom iz zemlje iz koje dolazi, te sa najmanje 7 godina radnog iskustva u struci i 5 godina profesionalnog iskustva na izradi multi kriterijalnih analiza saobraćajnica;

Uz Izjavu ponuđač je dužan dostaviti CV (potpisan od strane navedenog stručnjaka) i ovjerenu kopiju uvjerenja/potvrde o položenom stručnom ispitu, iz kojih će biti vidljivo da navedeni stručnjak zadovoljava zahtjev ugovornog organa.

Ponuđač je uz ponudu dostavio Izjavu kojom potvrđuje da na raspolaganju ima 1 (jednog) inženjera za multikriterijalnu analizu, CV (potpisan od strane navedenog stručnjaka), te ovjerenu kopiju diplome doktora ekonomskih nauka, čime je zadovoljio traženi uvjet;

- Sukob interesa sukladno članu 52. Zakona i tački 4.4 tenderske dokumentacije:

Ponuđač je bio dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog tenderskoj dokumentaciji (Aneks 6).

Ponuđač je u sklopu dostavljene ponude dostavio:

Pismenu Izjavu iz člana 52 Zakona o javnim nabavkama („Službeni glasnik BiH“ broj: 39/14)

- n) Prikaz traženih i dostavljenih garancija za ozbiljnost ponude:** Nije tražena garancija.

- o) Podatci o pojašnjenju inicijalnih i/ili konačnih ponuda:** Nije traženo pojašnjenje.

- p) Prikaz valjanosti inicijalnih i/ili konačnih ponuda prema obliku, sadržaju i cjelovitosti:**
Komisija je izvršila procjenu početne/inicijalne ponude prema obliku, sadržaju i cjelovitosti i konstatirala da je ponuda dostavljena u skladu sa uvjetima i kriterijima koji su utvrđeni u tenderskoj dokumentaciji. U dostavljenoj inicijalnoj ponudi br. 128/2017 od 18.01.2017. godine, Ponuđač je dostavio ukupnu cijenu za zadate usluge u iznosu: od 18.210,00 KM bez uračunatog PDV-a odnosno 21.305,70 KM sa uračunatim PDV-om.

Na osnovu gore navedenog Komisija je konstatirala da ponuda zadovoljava zadate kriterije i da je prihvatljiva za ugovorni organ;

- q) **Analiza inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna ponuda zadovoljava zahtjev u pogledu opisa predmeta nabavke i tehničkih specifikacija.
- r) **Podatci o ispravkama računskih grešaka u inicijalnim i/ili konačnim ponudama:** U ponudi nisu uočene računске greške.
- s) **Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo.
- t) **Razlozi za odbijanje inicijalne i/ili konačne ponude zbog neprirodno niske cijene:** Nije primjenjivo.
- u) **Analiza prihvatljivih konačnih ponuda prema kriteriju za izbor ponude:**
Kriterij za dodjelu ugovora je „najniža cijena“. Ponuđač je ponudio cijenu u iznosu od: 18.210,00 KM bez uračunatog PDV-a odnosno 21.305,70 KM sa uračunatim PDV-om.
- v) **Rangiranje prihvatljivih konačnih ponuda prema kriteriju za izbor ponude:**

NAZIV KOMPANIJE	CIJENA IZ OBRASCA PONUDE (bez uklj. PDV-a) (KM)	KORIGIRANE VRIJEDNOSTI		KORIGIRANI IZNOS CIJENE IZ PONUDE (bez PDV-a/sa PDV-omKM)
		MATEMATIČKE GREŠKE	POPUSTI	
1. „IPSA INSTITUT“ d.o.o. Sarajevu	18.210,00	-	-	18.210,00
				21.305,70

- w) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava zaključiti ugovor sa ponuđačem „IPSA INSTITUT“ d.o.o. Sarajevo sa registriranim sjedištem u ulici Put života bb, Sarajevo IJB: 4200032270003. Ponuđač je dostavio prihvatljivu ponudu sa najnižom cijenom.
- x) **Podatci o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja;
- y) **Podatci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Dokaze za kvalifikaciju ponuđača u pogledu lične sposobnosti – ispunjenja uvjeta iz člana 45. Zakona **ponuđač je dužan dostaviti u roku do 5 dana** od dana prijema Odluke o izboru najpovoljnijeg ponuđača. Dokazi koji se zahtijevaju moraju biti originali ili ovjerene kopije
- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje preporuku v.d. direktoru Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar da donese Odluku:
Ugovor o prenamjeni, odnosno preugovaranju dijela neiskorištenog iznosa iz osnovnog ugovora, u vrijednosti od **21.305,70 KM** sa uključenim PDV-om za nabavku usluga: „Dodatne usluge za ugovor JPAC 720-A100-15 Usklađivanje glavnog projekta dionica Buna-Počitelj sa važećim tehničkim specifikacijama“ zaključit će se sa ponuđačem „IPSA INSTITUT“ d.o.o. Sarajevo sa registriranim sjedištem u ulici Put života bb, Sarajevo IJB: 4200032270003, sa kojim je zaključen osnovni ugovor;
- aa) **Datum završetka postupka pregleda i ocjene inicijalnih i/ili konačnih ponuda:** Komisija je završila pregled i ocjenu inicijalne ponude dana 10.02.2017. godine.

bb) Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:

Članovi komisije:

Senada Lizde, predsjednik komisije

Pero Vukoja, član komisije

Marijana Prkačin Goluža, član komisije

Za sekretara Komisije imenovana je Ružica sabljčić.

cc) Popis priloga uz zapisnik (zahtjevi za pojašnjenjem inicijalnih i/ili konačnih ponuda, zahtjevi za dostavu originala ili ovjerenih kopija traženih dokumenata, zahtjevi za prihvatanje ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja prihvatanje ispravke, mišljenje stručne službe ugovornog organa ili nezavisne stručne osobe ili sl.):

1. Kopija zapisnika o vođenju pregovora i
2. Kopija Zapisnika o zaprimanju ponuda

Saglasan:

Adnan Terzić, dipl.ing.
v.d. direktor

AT

ZAPISNIK
 o zaprimanju ponuda
 /prilog Zapisniku o otvaranju ponuda/

Broj nabavke: 01-01.3-4232/16 S.L.

Naziv predmeta nabavke: „DODATNE USLUGE ZA UGOVOR JPAC720-A100-15 USKLADIVANJE GLAVNOG PROJEKTA DIONICA BUNA-POČITELJ S VAŽECIM TEHNIČKIM SPECIFIKACIJAMA “

Krajnji rok za dostavljanje ponuda: 19.01.2017. do 16:00h

SPISAK BLAGOVREMENO PRISTIGLIH PONUDA

Red. broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	IPSA INSTITUT d.o.o. Sarajevo	19.01.2017.	11:45h	DA	NE	-

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: *[Signature]*

Sekretar Komisije: *[Signature]*

POTVRDA
o prijemu ponude
o izmjeni ili dopuni ponude

KOJOM SE POTVRĐUJE DA JE U UREDU, DUBROVAČKA 6; SARAJEVO

DANA 19.01.2017. U 11⁴⁵ SATI:

ZAPRIMLJENA PONUDA OD PONUDAČA

IPSA INSTITUT d.o.o. Sarajevo

NABAVKA BROJ: 01-01.3-4231-3 /16 S.L.
/navesti broj protokola ponude/

NABAVKA: „DODATNE USLUGE ZA UGOVOR JPAC 720-A100-15 USKLADIVANJE GLAVNOG PROJEKTA DIONICA BUNA-POČITELJ SA VAŽEĆIM TEHNIČKIM SPECIFIKACIJAMA“

/navesti puni naziv predmeta nabavke/

PREDAO-LA: [Signature]

PREUZEO-LA: [Signature]

